



ՄԻՋԿՐՈՆԱԿԱՆ ՄԻՋԱԶԳԱՅԻՆ ՀԱՆԴԻՊՈՒՄ ՎԱՍՆ ԱՇԽԱՐՀԻ ԽԱՂԱՂՈՒԹՅԱՆ

Ռուս Պրավոսլավ Եկեղեցու նախաձեռնությամբ և Մոսկվայի ու Համայն Ռուսիո Պատրիարք Նորին Սրբություն Ս. Պիմենի հրավերով սույն թվականի հոկտեմբերի 1—2-ը Մոսկվայում տեղի ունեցավ միջկրոնական միջազգային հանդիպում՝ «Կրոնական գործիչները ի պաշտպանություն կյանքի սրբազան պարզևի՝ միջուկային աղետից» նշանաբանով:

Հանդիպմանը մասնակցում էին աշխարհի հինգ ցամաքամասերի 29 երկրներից ծամանած քրիստոնեական, մահմեդական, մոլիսիական և բուդդայական կրոնների, այդ թվում նաև Եկեղեցիների Համաշխարհային Խորհրդի, Խաղաղության Համաքրիստոնեական Կոնֆերանսի, Եվրոպական Եկեղեցիների Կոնֆերանսի, ինչպես նաև Ասիայի և Աֆրիկայի բուդդայական և մահմեդական կրոնական տարբեր կազմակերպություններից եկած ներկայացուցիչներ:

Սույն ժողովին, հանուն Հայ Առաքելական Եկեղեցու և Նորին Սրբության Ս. Ս. Վազգեն Ա. Ամենայն Հայոց Հայրապետի, իրենց մասնակցությունը բերեցին նաև Թիբեթի թեմի առաջնորդ Ս. Նարեկ եպիսկոպոս Ծաքարյանը և Ռուսաստանի ու Նոր Նախիջևանի հայոց թեմի առաջնորդական տեղապահ Ս. Տիրան վարդապետ Կյուրեղյանը:

Ժողովը բացվեց Նորին Սրբություն Ս. Պիմենի Պատրիարքի ողջույնի խոսքով:

Ապա գլխավոր գեկուցումով հանդես եկավ Մինսկի և Բելոռուսիայի առաջնորդ և Ռուս Եկեղեցու արտաքին հարաբերությունների բաժնի վարիչ միտրոպոլիտ Ֆիլարետը:

Իր գեկուցման մեջ հարգելի բանախոսը, գլխավորապես կանգ առնելով տարբեր կրոնների և Եկեղեցիների խաղաղասիրական գործունեության աստվածաբանական հիմքերի, խաղաղության ի նպաստ միջկրոնական համագործակցության պատմական փորձի վրա, շեշտեց միջկրոնական համաշխարհային մի կոնֆերանսի իրականացման անհրաժեշտությունը՝ միաժամանակ նշելով այն դրոպապատճառները, որոնք անհրաժեշտ են դարձնում նման մի կոնֆերանսի գումարումը: Ապա գեկուցողը մասնակիցների ուշադրությանը հանձնեց վերոհիշյալ կոնֆերանսի նախապատրաստմանը վերաբերող մի շարք առաջարկություններ:

Գլխավոր գեկուցման շուրջ այնուհետև հաջորդական չորս նիստերի ընթացքում ներկաների միջև տեղի ունեցավ մտքերի լայն փոխանակում:

Հանդիպման ավարտին ընտրվեց աշխարհի բոլոր կրոնները ներկայացնող հիսուն հոգուց բաղկացած մի կոմիտե, որի պարտականությունն է լինելու նախապատրաստել առաջիկա համաշխարհային միջկրոնական կոնֆերանսը, որը տեղի է ունենալու 1982 թվականի գարնանը, որին հրավիրվելու են իրենց մասնակցությունը բերելու շուրջ 500 ներկայացուցիչներ աշխարհի բոլոր կրոններից՝ Արևելքից, Արևմուտքից, Հյուսիսից և Հարավից:

Նախապատրաստական սույն կոմիտեի աշխատանքներին, որպես իրավասու անդամ, մասնակցելու է նաև Ս. Նարեկ եպիսկոպոս Ծաքարյանը:

Ժողովի վերջում կազմվեց և միաձայնությամբ հաստատվեց կրոնական գործիչնե-

րի երկօրյա աշխատանքի արդյունքներն ամփոփող մի հաղորդագրություն: Հաղորդագրության մեջ նշվում է, որ սույն հանդիպմանը մասնակցող տարբեր կրոնների ներկայացուցիչները այսուհետև են իրենց աղոթքով և չթուլացող ջանքերով իրենց կարելիք ի գործ են դնելու՝ նպաստելու համար աշխարհում վերջնական և կայուն խաղաղության հաստատման սրբազան գործին: Հրապարակված փաստաթղթում հատկապես արձանագրված է. «Մարդկությանը անհրաժեշտ է ոչ թե սուկ պատե-

րազմի բացակայությունը, այլև հարգանքը Աստուծո սիրելի հանդիսացող մարդու տարրական իրավունքների նկատմամբ: Ամեն մարդու կոչումն է, իր հնազանդությանը և հավատքով, գործակիցը լինել Աստուծո»:

Հանդիպումն ավարտվեց Մոսկվայի «Դրագա» ռեստորանում ժողովի մասնակիցների պատվին կազմակերպված պաշտոնական ընդունելությանը՝ նախագահությանը ներքո Նորին Սրբություն Տ. Դիմեն Դատրիարքի:

